



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Abbati Et Monachis Resbacensibus.

**urn:nbn:de:hbz:466:1-20020**

ceptæ hujus à sede apostolica libertatis duas marcas & dimidiā puri argenti nobis nostrisq[ue] successoribus annis singulis perfolvetis. Decernimus ergo ut nulli omnino hominum liceat p[re]fatum monasterium temerè perturbare, aut ejus possessiones auferre, vel ablatas retinere, minuere, seu quibuslibet vexationibus fatigare; sed omnia integra conserventur eorum pro quorum gubernatione ac sustentatione concessa sunt uibus omnimodis profutura. Salva apostolica[rum] sedis auctoritate & dioecesanorum Episcoporum canonica justitia in Ecclesiis non exceptis. Si qua igitur in futurum ecclesiastica secularis persona, hanc nostra constitutionis paginam sciens, &c. usque districta ultioni subjaceat. Cunctis autem eidem loco sua iura servantibus &c. usque in finem. Amen. Datum Viterbij per manum Iohannis sanctæ Mariæ in Coſmidin Diaconi Cardinalis, sanctæ Romanæ Ecclesiæ Cancellarij, V. Idus Augusti, Indictione VI II. incarnationis dominicae anno MCCCVII. pontificatus vero Domini Innocentij Papæ III. anno decimo.

## ABBATI MALLEONENSI.

Epist. 107.

Mandatur ut  
A. de Scobol ad  
primam cogat  
redire uxorem.

**E**x parte tua fuit propositum coram nobis quod cum A. de Scobol . . mulierem duxerit in uxorem, & cum ea fuerit diutius commoratus, ipsam carnaliter non cognovit. Vnde bonæ memoria W. Pictavensis Episcopus, cum ei de frigiditate viri tam per ipsius quam mulieris confessionem plenius constitisset, inter eos divortium celebravit. Verum postmodum alij nupsit mulier supradicta, & p[re]fatus A. duxit aliam in uxorem, quam carnali commixtione cognovit. Unde quæſisti per sedem apostolicam explicari utrum dietus vir debeat ad primam redire, vel manere potius cum secunda. Nos igitur inquisitione tua taliter respondemus, quod cum ex p[ro]st facto appareat fuisse p[re]fatum Episcopum circumventum, dictus A. ut ad primam redeat est cogendus. Datum Viterbij XIV. Kal. Septembris, anno decimo.

ABBATI ET MONACHIS  
Resbaciensibus.

Epist. 108.

Confirmantur  
privilegia co-  
rum & omnes  
libertates & im-  
munitates.

Vide ſuprā  
epift. 96.

**L**icet monasterium vestrūm per privilegium felicis recordationis Innocentij Papæ p[re]decessoris nostri plena videtur libertatis prærogativa gaudere, emergente tamen postmodum inter bona memoria. Meldensem Episcopum & mo-

nasterium ipsum super ejusdem subjectio[n]e scrupulo quæſtionis, beatæ memorie Alexander Papa p[re]decessor noster, ad cuius p[re]sentiam eadem fuerat cauſa de-lata, ipsius cauſa meritis intellectis, jus episcopale in monasterio vistro Meldensi adjudicavit Episcopo. Postea quoque quæſtionis ejusdem coram nobis materia fuscitata, cauſam ipsam per dilectos filios. Suesſionem Decanum, H. Cantorem Remensem, &c. Succentorem Silvæn-tem examinari fecimus diligenter. Qui cùm eandem cauſam ad nos remiſſent sufficienter instruētam, nos utriusque partis rationibus intellectis, quia cognovimus efficaciores Meldensis Episcopi ratio[n]es, subjectionem eidem monasterij vestrī adjudicare curavimus, ut liberam ibidem tanquam diocesanu[m] Episcopu[m] habeat potestarem; ita tamen ut per hoc nullum apostolica[rum] sedi p[re]judicium generetur quod minus legitimo tempore, si voluerit, suam justitiam prosequatur. Verū quia p[ro]p[ter]eas & alia bona monasterij memoriati per illud privilegium Innocentij eidem sunt monasterio confirmata, nos ipsius p[re]decessoris nostri vestigii inharentes, vobis & per vos ea monasterio vistro, ſicut eadem justè ac pacifice possidentis, auctoritate apostolica confirmamus, & p[re]senti scripti privilegio communimus. in quibus haec propriis nominibus duxiimus exprimenda. Burgum videlicet ipsius monasterij, quod Resbacus dicitur, cum omnibus suis appenditiis, cum Ecclesiis & decimis, cum servis & ancillis, cum pratis aut pascuis, cum aqua qua dicitur Muera, ſeu omni p[re]ſatione, in ſulis quoque ac molendinis, necnon & p[re]ſcatoriis, cum pontibus etiam cunctis que ipsius aquæ transitoriis, & cum omnibus ſibi adjacentibus, cultis & incultis. Villam Orlei & villam Montbott. cum earundem villarum Ecclesiis, decimis, servis & ancillis, pratis & pascuis, & cum omnibus eisdem adjacentibus cultis & incultis. Villam qua Vltiacus dicitur, & villam qua Septemfortes dicitur, cum earundem villarum Ecclesiis, decimis, servis & ancillis, cum pratis & pascuis, & earum appenditiis cultis & incultis. Portum de Fai dimidium. Villam qua Brig[us] dicitur, cum matre Ecclesia & decimis ad eam pertinentibus, cum servis & ancillis, cum pratis & pascuis, & aliis circumadjacentibus tam cultis quam incultis. Villam qua dicitur Montiniacus, cum Ecclesia & decima & ſibi circumadjacen-

tibus, pratis, pascuis, terris cultis & incultis. Villam quæ dicitur Capella super Mucram, & villam quæ dicitur Curmaiot super eandem ripam, & villam quæ dicitur Malerei super eandem ripam, & villam quæ dicitur Veretum super eandem ripam, cum earundem villarum Ecclesiis, decimis, servis & ancillis, molendinis, pificationibus, pratis, pascuis, & omnibus appenditiis cultis & incultis. Villam quæ dicitur Campuscoëllus, cum Ecclesia, decima, servis, ancillis, pratis, pascuis, & omnibus appenditiis cultis & incultis. Villam quæ appellatur Nenus sancti Petri dimidiari, cum suis appenditiis cultis & incultis. Villam quæ dicitur Meri cum Ecclesia, decima, servis, ancillis, pratis, pascuis, pificationibus, & omnibus suis appenditiis cultis & incultis. Insulam quæ dicitur Belluslocus, cum Ecclesia, decima, servis, ancillis, pratis, pascuis, pificationibus, & omnibus suis appenditiis cultis & incultis. Villam quæ dicitur Agili mansio, cum Ecclesia, decima, servis, ancillis, pratis, pascuis, & sibi adjacentibus cultis & incultis. Decimam villæ quæ dicitur Semonnia, cum terra appendente, cum servis & ancillis. Terram & decimam villas quæ dicitur sancti Lupi, cum servis & ancillis. Villam quæ dicitur Luqueius super ripam Materni fluminis, cum servis, ancillis, pratis, pascuis, & suis appenditiis cultis & incultis. Super eandem ripam, possessionem quæ dicitur Porterum, & alteram quæ dicitur Vernolium, & tertiam quæ Capella vocatur, cum servis, ancillis, pratis, pascuis, & aliis appenditiis cultis & incultis. Circa castrum quod appellatur Breias, villam quæ dicitur Bruceium, cum Ecclesia, decima, servis, ancillis, pratis, pascuis, & aliis appenditiis cultis & incultis. Apud alterum Bruceium, terrafticum & censum, cum servis & ancillis. Iuxta castrum quod dicitur Mons-mirellus, villam quæ dicitur Marcungia, cum servis & ancillis, pratis, pascuis, & aliis appenditiis cultis & incultis. Prohibemus insuper ne prædictæ occasione sententia à nobis latæ Meldensis Episcopus vos vel monasterium vestrum indebetè aggravet vel molestet; quia privilegium meretur amittere qui permitta sibi abutitur potestate. Nulli ergo omnino hominum liceat hanc paginam nostræ confirmationis &

prohibitionis infringere, vel ei ausu temerario contraire. Si quis aurem hoc attentare præsumperit, indignationem omnipotens Dei & beatorum Petri & Pauli Apostorum ejus se noverit incursum. Datum Viterbij XVII. Kal. Septembbris, anno decimo.

VNIVERSIS ARCHIEPISCOPIIS  
& Episcopis per Saxoniam constitutis.

**C**VM ex injuncto nobis servitus officio in jure suo providere universis Ecclesiis teneamur, ad Ecclesiam sancti Ciriaci in Gerondod debitum habentes respectum, ipsius quieti & paci paterna duximus sollicitudine specialiter providendum. Quocirca fraternitati vestra per apostolica scripta mandamus quatinus si venerabilis frater noster . . Episcopus Halverstadensis, in cuius dioecesi Ecclesia ipsa consistit, chrisma, oleum sanctum, consecrationes altarium seu basilicarum, ordinationes Clericorum qui ad sacros ordines fuerint promovendi, & cetera ecclesiastica sacramenta à dilectis in Christo filiis Abbatissa & sororibus ipsius Ecclesie requisitus recusaverit exhibere, cum monasterium illud ad Romanam Ecclesiam nullo pertineat mediante, vos auctoritate nostra eisdem gratis & sine pravitate qualibet impendatis. Præterea volumus & mandamus ut si quando de malefactoriis suis parrochianis vestris ad vos duxerint querimoniam deferendam, vos eis plenam de ipsis iustitiam sublato appellationis obstaculo faciatis. Datum Viterbij VIII. Kal. Septemb. anno decimo.

CÆSARAVGVSTANO EPISCOPO.

**Q**VID per novalis vocabulum intelligi debeat à nobis tua fraternitas requirit. Licet autem quidam dixerint quod novale sit terra præcisa quæ anno cessat, aliis assertibus quod ex silva quæ ex arboribus extirpatis ad cultum rediguntur, quarum utraque interpretatio colligitur ex civilibus legibus; nos tamen inquisitioni tuæ taliter respondemus, quod eam credimus antecedorum nostrorum intentionem fuisse, cum piis locis indulgentiam de novalibus concederunt, ut novale intellexerint agrum de novo redatum ad cultum, de quo non extat memoria quod aliquando cultus fuisset. Sed nec de quolibet tali credimus eisdem indulgentiam fore concessam, nisi de illo duntaxat cuius decimas religiosus conuentus potest absque gravi detimento

Epist. 109.  
De privilegiis  
monasterij in  
Gerondod.

Epist. 110.  
Declaratur  
quid per noval-  
lis vocabulum  
intelligatur.  
Cap. Quid per  
novalis. De  
verb. signif.  
Vide Regino-  
nem lib. 1. c.  
44.